

四庫全書

子部

欽定四庫全書

子部
普濟方卷四百十二

詳校官太醫院吏目臣宋桂

編修臣倉聖脈覆勘

總校官進士臣繆琪

校對官中書臣李斯咏

謄錄舉人臣薛炳文

欽定四庫全書

普濟方卷四百十二

明周王朱橚撰

鍼灸門

三人圖

附經絡穴圖

夫病源所起本於臟腑臟腑之脉皆出手足循環腹背無所不至往來出沒難以測量將欲指取其穴非圖莫可預備諸要非灸不精故經曰湯藥攻其內鍼灸攻其外則病無所逃矣方知鍼灸之功過半於湯藥然去聖久遠

學徒蒙昧孔穴出入莫測經源濟弱扶危臨事多錯因慨其不逮鳩集今古名賢明堂以述此篇用補私闕庶依孔知穴按經識分則孔穴親踈居然可見矣舊明堂圖年代久遠傳寫錯誤不足指南今依甄權等所撰為定云爾 銅人經云黃帝問曰余聞氣穴三百六十五以應一歲未知其所願卒聞之岐伯稽首再拜對曰善乎哉問也其非聖帝孰能窮其道焉因請益意盡言其處雷公問曰禁服之言凡刺之理經脉為始願聞經脉

之始生帝答曰經脉者所以決死生處百病調虛實不可不通也

流注經絡井榮圖說

夫流注者為刺法之深源作鍼術之大要是故流者往也蓋流者要知經脉之行流也謂十二經脉各至本時皆有虛實邪正之氣注於所括之穴也夫得時謂之開失時謂之闔夫開者鍼之必除其病闔者刺之難愈其疾可不明茲二者乎況經氣內於五臟外應之節鍼刺

之道經脉為始若識經脉則諸行氣部分脉之短長血氣多少行之逆順祛逐有過補虛瀉實則萬舉萬痊若夫經脉之源而不知邪氣所在而不辨往往病在陽明反攻少陰疾在厥陰却和太陽遂致賊邪未除本氣受弊以此推之經脉之理不可不通也昔聖人深慮此者恐後人勞而少功也廣因閒暇之際爰取前經以按舊典遂為摘葉採摭精萃以明流注之幽微庶免討尋之倦怠不揆荒拙列圖於後凡我同聲者見違闕改而正

之不亦宜乎

平人氣象論經隧周環圖



經脉一周於身內長一十六丈
二尺入一呼脉行三寸一吸脉
行三寸呼吸定息脉行六寸計
二百七十定息氣可環周然盡
五十榮衛以萬一三千五百息
則氣脉都行八百一十丈如是
則應天常度脉氣無不及太過
氣象平調故曰平人也

凡刺之理經脉為始經脉者所以能決死生處百病調
虛實不可不通也夫經氣者內干五臟而外絡支節其
浮氣不循經者為衛氣精血專行於經隧者為榮氣陰陽
隨內外相實如環之無端以常平旦為紀其脉始從中
焦手太陰出注於手陽明上行注足陽明下行至肘上
注大指間與足太陰合上行抵脾從脾注心中循手少
陰出腋下臂注小指合手太陽上行乘腋出顙內背上
巔下項合足太陽循脊下尻下行注小指之端循足少

陰上行注腎注心外散於胸中循手心主脉出腋下臂入兩筋之間入掌中出中指之端環注小指次指之端合手少陽上行注臆中散於三焦從三焦注膽出脇注足少陽下行至肘上復從肘注大指間合足厥陰上行至肝從肝注肺中復出於手太陰此榮氣之行也逆順之常榮氣之行常循其經周身之度一十六丈二尺一日一夜行八百一十丈計五十度周於身衛氣則不循其經馬晝行於陽夜行於陰行於陽者行諸經行於陰者

行諸臟凡刺之道須衛所在然後迎隨以明補瀉此之謂也黃帝內經曰凡人兩手足各有三陰三陽脉以合為十二經脉也手之三陰從臟走至手手之三陽從手走至頭足之三陽從頭下走至足足之三陰從足上走入腹絡脉傳注周流不息故經脉者行血氣通陰陽以榮於身者也其始從中臍注手太陰陽明手陽明注足陽明太陰足太陰注手少陰太陽手太陽注足太陽少陰足少陰注手厥陰少陽手少陽注足少陽厥陰足厥

陰注手太陰其氣常以平旦為紀以漏水下百刻晝夜
行流與天同度終而復始也


手太陰

常以平旦為紀以漏水下百刻晝夜行流與天同度終而復始也



肺之圖

肺脉起於中焦出於大
指之端注大腸經



手太陰肺之經

手太陰之脉起於中焦

中焦者在胃中脘主腐熟水穀水穀精微上注於肺肺行榮衛

故十二注肺自此為始所以手太陰之脉起於中焦又高烝德云中焦乃臍中也

下絡大腸

大腸

為肺之雄故肺脉絡大腸

環循胃口

胃口謂胃之上口賁門之謂也

上膈屬肺

手太陰為

脉之主故其肺上膈屬於肺

從肺系橫出腋下

腋胃肩之裏也

下循臍內

為臍

肩肘之間也

行少陰心主之前

少陰心主處中而大腸在後太陰行其前也

下肘

中尺澤穴

循臂內上骨下廉

上骨為臂之上骨上骨也下廉也

入寸口

經渠在穴此寸口中

上魚

魚為手大指之後也以其處如魚之形故曰魚

循魚際

魚際謂手魚之

際有穴居此故名曰魚閑也

出大指之端

少商穴分也

其支者

鍼經曰支而為絡此

手太陰之脉別走陽明者也穴名別缺

從腕後直出次指內廉出其端

手太

陰自此交入手陽明是動則病

手太陰常多氣少血今氣先病是謂是動難經曰是動者氣也此之

謂肺脹滿膨膨而喘欬

膨膨謂氣不宣暢也

缺盆中痛

缺盆穴名在肩下橫

骨陷中言其處如缺

甚則交兩手而瞀

太素注云瞀低目也

是謂

臂厥

肘前曰臂氣逆曰厥

主肺所生病者

邪在氣留而不去則傳之於血也血既病矣是

氣之所生故云所生病也難經曰所病者血也斯之謂乎

欬嗽上氣喘渴煩心胃滿

臑臂內前廉痛掌中熱氣盛有餘則肩背痛風汗出中

風小便數而欠

數頻者欠少也

氣虛則肩背痛寒則少氣不足以

息溺色變卒遺失無度盛者寸口大三倍於人迎虛者

則寸口反小於人迎也

寸口人迎諸書不同有言寸口人迎者有言肺口人迎者言氣

然人迎者然則氣口脉如與寸口脉異也同乎按五臟別論注云寸口可以候氣之盛衰故云氣口可以切肺之動靜故云肺口由是則脉如氣口皆寸口也觀丁德用二難圖可知矣氣口人迎在頭而告取手手也在手關前一分人迎之估也右手關前一分氣口之位也候氣口以知陰候人迎以知陽知陽知陰而盛躁明矣明盛躁而死生定以扁鵲所為經脉十二絡脉十五皆因其圓如環之無端轉相激灌朝於寸口人迎以處百病而不決死生也者正謂此矣人迎主外寸口主內兩者相應俱往俱來若繩小大齊寸命之口平若其不一謂之

有病素問云人迎盛病在三陽寸口盛病在三陰若細
言之肺人迎一盛在病足少陽一盛而躁在手少陽迎
人二盛病在太陽二盛而躁在手太陽人迎之盛病在
足陽明三盛而躁在手陽明人迎四歲已上謂之格陽
寸口一盛病在足厥陰一盛而躁在手心主寸口二盛
病在足少陰二盛而寸在手少陰寸口三盛病在足太
陰三盛病而躁在手太陰寸口四盛已上謂之陰關若
寸口人迎俱盛倍已上謂之關格關格者不得盡其命
而死矣是以人迎二盛寫足少陽補足厥陰二寫一補
曰一取之躁取之手心迎二盛寫足太陽補足少陽二
二瀉一補二日一取之躁取之手心迎三盛寫足陽明
補足太陰二瀉一補日二取之躁取之二寸口一盛寫
足厥陰補足少陽二補一瀉日一取之躁取之三寸口
一盛寫足厥陰補足少陽二足一瀉日一取之躁取之
手寸口二盛寫足少陰補足太陰一補二瀉日二之躁
取之手寸口二盛瀉足太陰補足陽明二補一瀉日二

取之躁取之手寸口人迎此日必切而驗之氣和乃正
今補經言盛者寸口大三倍於人迎則是寸口二盛而
躁瀉手太陰補手陽明手二補三瀉日二取之者是也
虛者寸口反小於人迎則是人迎三盛而躁瀉手陽明
補手太陰三瀉一補日二取之者是也虛者寸口反小
陽別論注云胃腕之陽者胃人迎氣也察其氣脉動脉
大小與脉曰應否也胃為水谷之海故候其氣而知病
處人迎在結候兩傍一寸五分動之動常在小而右大
左小常以候臟右大常以候腑氣口在手太陰之別名
手魚際之後二寸皆可以候臟腑之氣
曰列缺起於腕上分間並太陰之經直入掌中散於魚
際實則手銳掌熱虛則欠欬小便遺數取之去腕寸半
別走陽明也手太陰之筋起於大指之上循指上行結

於魚際之後行寸口外側上循臂結肘中上臑內廉入
腋下出缺盆肩前髃上結缺盆下結胸裏散貫責合責
下下抵季肋其病當所過者支轉筋痛甚則成息責脅
急吐血治在燔鍼劫刺以知為數以痛為輸名曰
仲冬痺也肺病者喘欬而肩背痛汗出尻陰股膝
髀腠臑足皆痛虛則少氣不能報息耳聾嗌乾取
其經太陰足太陽之外厥陰內血者肺熱病者先
淅然厥起毫毛惡風寒舌上橫身熱熱則喘咳痛

走胸膈背不得太息頭痛不堪汗出而寒丙丁甚
庚辛大汗氣逆則丙丁死刺手太陰陽明出血如
大豆立已

手太陰肺經從腹走手長三尺五寸左右共七尺凡二
十二穴

中府二穴

雲門二穴

天府二穴

俠白二穴

尺澤二穴

孔最二穴

列缺二穴


經渠二穴

魚際二穴

太淵二穴

少商二穴

明 陽 手



大腸經



手陽明大腸經

手陽明之脉起於大指次指之端內側

次指之端商陽穴在焉

循

指上廉出合谷兩骨之間

合谷穴名也此兩骨之間

上入兩筋之中

陽谷穴也

循臂上廉

臂之上廉偏厯之手陽明之經也

入肘外廉

曲池穴分也

上

循臑外前廉上肩出髃骨之前廉

髃骨謂肩髃之骨也故肩髃穴在此過骨

之端故亦名髃骨

上出柱骨之會上

氣府論云注柱骨主之會乃天鼎穴也在頭缺盆上

直扶突氣舍後同身寸之半是也

下入缺盆絡肺

肺為大腸之維大腸脉絡于肺

下膈

入屬大腸

手陽明為太陽之經故其肺屬太陽

其支者從缺盆上頸

結喉之後

曰頸頸後曰項

貫頰

頰為面傍也

下入齒縫還出挾口交人中

人中一名

水溝在鼻柱之下

左之右右之左上挾鼻孔

手陽明自此交入足陽明

是動

則病

手陽明常多氣少血今氣先病是謂是動也

齒痛頰腫

頰謂顴之秀骨也

是主

津所生病者

血受病於氣是氣之所生故云所生病也手陽明血氣常多乃人之常數也亦有異

於常者靈樞經曰手陽明之上氣血甚則須美血少氣多則氣惡血氣皆少則無須手陽明之下血氣盛則下

腋下毛美手魚肉以溫血氣皆少則手瘦

寒由此則手陽明血氣多少可得而知也

目寒口乾齁

血玉冰曰鼻中水出

喉痺肩前濡痛大指次指痛不可

用氣有餘則當脉所過者熱腫虛則寒慄不復

慄戰也陰氣盛

陽氣不足
則為寒慄

盛者人迎大三倍於寸口虛者人迎反小於

寸口也

手陽明之別名曰偏歷去腕三寸別入太陽其別者
上肘循臂乘肩髃上曲頰徧齒其別者入耳會於宗
脉實則齒齲耳聾虛則齒寒痺隔取所別也手陽明
之筋起於大指次指之端結於腕上循臂結於肘外上臑
結於髃其支者繞肩脾挾脊直者從肩髃上頸其支者
上頰結於頰直者上出手太陽之前上左角絡頭下右

額其病當所過者支痛及轉筋肩不舉頸不可左右視
治在燔鍼劫刺以知為數以痛為輸名曰孟夏痺也邪
客於手陽明之絡令人氣滿胃中喘息而支肘胃中熱
刺手大指爪甲上去端如韭葉各一廂左取右右取左如
食頃已商穴陽也邪客於手陽明之絡令人耳聾時不聞音
刺商陽立聞不已刺中指爪甲上與肉交者立聞其不
時聞者不可刺也耳中生風者不刺之如此數左刺
右右刺左手陽明不已刺其通脉出耳前者熱病如

手臂痛者刺手陽明大陰而汗出止

手陽明大腸經從手走頭長五尺左右共一丈凡四十

穴

商陽二穴

二間二穴

三間二穴

合谷二穴

陽谿二穴

偏歷二穴

溫留二穴

手下廉二穴

手三里二穴

曲池二穴

肘髎二穴

肩髃二穴

巨骨二穴

天鼎二穴


扶突二穴

禾膠二穴


迎香二穴

手上廉二穴

足 陽 明



胃之經



足陽明胃經

足陽明之脈起於鼻交額中

兩目之間鼻物深處胃之額中

旁納太陽

之脈

足太陽起於目背而陽明旁行約之

下循鼻外

迎香穴分也

入上齒中還

出頰口環脣下交承漿

承漿穴名也在頤前脣下皖宛中

却循頤後下

廉出大迎

大迎之穴在曲額前寸同身寸之一寸分陷者中

循頰車

頰車胃頰之牙車也

言足陽明脈循此頰車而行故

上耳前過客主人

客主人在

耳前起骨聞

循髮際至腮其支者從大迎前下人迎

口有空處

人迎在結喉兩旁大脈動應手是也

循喉嚨入缺盆下膈屬胃

足陽明之經故其脈

屬於胃也絡脾脾者胃之雌故其直者從缺盆下乳內廉下

俠臍入氣衝中氣衝穴名也在腹下挾兩旁相去同身寸之四寸鼠蹊上或云在毛際兩傍鼠

蹊上乃三焦之道路故云氣衝或曰在飯來下同身寸之一寸其支者起胃下口胃下口即

小腸上口也循腹裏下至氣衝中而合以下髀關抵伏

兔伏兔血在膝上同身寸之六寸下入膝臛中臛謂膝之蓋骨也下循骭外廉

骭外廉三里之分也下足跗跗謂足上在也衝陽穴焉入中指外間其支者下

膝三寸而別以下入中指外間其支者別跗上入大指

間出其端大指間次指之端也居兔所居焉素問云陽明根起於屬兌是陽明自此交入足太陰

是動則病

足陽明常常多氣多血今氣先病是謂是動也

悽悽然

悽悽然不樂之貌

不振

寒

寒氣客於經則陰氣盛陽氣虛故爲之振寒

善伸

伸謂伸臂筋骨也

數欠顏黑

顏額

也

病至則惡人

足陽明厥則喘而惋惋則惡人也

與火

足陽明氣血常盛邪客之則熱

熱盛則惡火

聞木音則惕然而驚

胃土也木能克土故聞木音則惕然而驚

心動

謂心不安也

欲獨閉戶而處

處居陰陽相薄陽盡陰盛故欲獨閉戶牖而居以其惡喧爾

甚則欲上高而歌

甚謂盛也陽盛則四肢實能登高也歌者以陽主喜故其聲爲歌耳

衣而走

熱盛於身故棄衣也以陽主動故走也

責響腹脹是謂肝厥是主

血

肝者脛別名也

所生病者

血受病於氣是氣之所生病也足陽明血氣常多乃人之常數也亦

有異於常者虛樞經曰足陽明之上血氣盛則髀短氣少血多則髀少血氣皆少則無髀兩吻多盡足陽明之下血氣盛則下毛美長至胃血多氣少則下毛美短至臍行則善高舉足足指少肉足善瘰血氣皆少則無毛有則高抽痺癢厥足痺又云美髻者陽明多狂瘡明病由此則足陽明血氣多少可得而知之也

狂瘡

足陽明病

發則多狂妄

溫淫汗出

其體溫壯漫淫可止汗出乃已然已而復起

齁衄

口喎

唇

胗

胗謂唇瘍也

頸腫喉痺大腹水腫

胃爲水穀之海氣虛弱則不能傳上水谷令水

腫侍因而留滿腸胃之間其腫大故曰大腹水腫

膝臄腫痛循膺乳

胃傍曰膺膺下曰乳

衝股伏兔

衝胃氣衝股胃膝上也

肝外廉足跗上皆痛中指不用

氣盛則身以前皆熱

氣盛身熱說在下文

其有餘於胃則消穀善

饑

胃爲水穀之海具有餘則能消在水穀故病善飢

溺色黃氣不足則身以前

皆寒

腹爲陰背爲陽足陽明行身之陰其氣盛故以前皆甚氣不足故身以前皆寒慄善行身之陽者足

太陽之謂也

胃中寒則脹滿

寒氣者陰也陰主下若陰盛氣盛則復上行故病脹滿

盛

者人迎大三倍於寸口也虛者乃人迎而反小於寸口也

足陽明之別名曰豐隆去踝八寸別走太陰其別者循脛骨外廉上絡頭項合諸經之氣下絡喉嗑其病氣逸則喉痺卒瘕實則狂癲疾虛則足不收脛枯取之所別

也

足陽明之筋起於中三指結於跗上斜外上加於輔骨
上結於膝外廉直結於髀樞上循脇屬脊其直者上循
骭結於缺盆其支者結於輔骨合少陽其直者上循伏
兔上結於髀聚於陰器上腹而布至缺盆而結上頸上
挾口合於頰下結於鼻上合於太陽太陽爲目上綱陽
明爲目下綱其支者從頰結於耳前其病足中指脛轉
筋脚跳堅伏兔轉筋髀前腫癰疔腹筋急引缺盆及頰

卒口僻急者目不合熱則筋縱目不開頰筋有寒則急引頰移口有熱則筋縱緩不收故僻治之以馬膏膏其急者以白酒和桂以塗之其緩者以桑鉤鉤之即以生桑炭置之坎中高下與坐等以膏熨急頰且飲美酒噉美炙肉不飲酒者自強也爲之三時而已治在燔鍼劫刺以知爲數以痛爲軀名曰季春痺也邪客於陽明之絡令人齟齬上齒寒刺足中指次指爪甲上者各一痛左刺右右刺左

繆傳引上齒齒脣寒痛視其手背脈血者去之足陽明
中指爪甲上一痛手大指次指爪甲上各一痛立已左
取右右取左

胃之大絡名曰虛里貫膈絡脈出於左乳下其動應衣
脈宗氣也

足陽明胃之經從頭走足長八尺左右共一丈六尺凡
九十穴

頭維二穴

下關二穴

頰車二穴

承泣二穴

四白二穴

巨髎二穴

地倉二穴

大迎二穴

人迎二穴

水突二穴

氣舍二穴

缺盆二穴

氣戶二穴

庫房二穴

屋翳二穴

膺窗二穴

乳中二穴

不容二穴

乳根二穴

承滿二穴

梁門二穴

關門二穴

太一二穴

滑肉門二穴

天樞二穴

外陵二穴

大巨二穴

水道二穴

歸來二穴

氣衝二穴

髀關二穴

伏兔二穴

陰市二穴

梁丘二穴

犢鼻二穴

三里二穴

上巨虛二穴

條口二穴

下巨虛二穴

豐隆二穴

解谿二穴

衝陽二穴

陷谷二穴


內庭二穴

厲兌二穴

手 陽 明



大腸經



足太陰脾經

足太陰之脉起於大指之端循指內側

大指內側隱白所居素問曰太

陰之根之起於隱白

白肉際過覈骨後

覈骨之下太白所居焉

上內踝前廉

商丘此居內踝之前

上踰內

踰謂頸魚腹也

循胛骨後交出厥陰之前

厥陰

行太陰之前至斷骨之後而太陰復在甚前

上循膝

膝下相側陰陵在焉

股內前廉入

腹屬脾

足太陰脾之經故其脉屬于脾

絡胃

胃者脾之雄故脾脉絡于胃也

上膈挾咽

連舌本

舌本與會厭相連發泄音之所也

散舌下

舌不有泉乃脾之靈津也道家飲此以延

生號曰華池仲長繞曰漱舌下泉而明之名曰台倉

其支者復從胃上膈注心中

足太陰自此

是動則病

足太陰血今氣先病常多氣是為是動

舌本強食

則嘔

素問所胃食則嘔者物盛滿而上益故嘔也

胃脘痛

以其脉絡胃故耳也

腹脹

素問

所胃者太陰子也十一月萬物氣皆藏于中故曰病脹

善噫

素問曰心為噫今足太陰之陰氣盛而上

走於心故為衆耳以脉者復後胃別上腧注心中故也

得後與氣則快然如衰

素問

所謂後于氣則快然如衰者十二月陰氣下衰而陽氣且出故病如是

身體皆重

以脾主肉故脾

病則身重

是主脾所生病者

血受病于氣是氣之所生故云所生病也

舌本痛

體不能動搖食不下煩心心下急痛寒瘧

凡瘧先寒而後熱者謂之

寒瘧先熱而後寒者謂之溫瘧但熱而不寒者謂之瘧瘧

瘧瘧泄水閉

按甲乙經作瘧水泄病水

濕瘡泄謂如傷之瘡也
素問所謂驚瘡者是也

黃疸不能卧強立股膝內腫厥

按甲乙經作好卧不能
食肉脣青強立股膝內

足大指不能動盛者寸口大三倍

於人迎虛者寸口反小於人迎也

足太陰之別名曰公孫去本節之後一寸別走陽明其
別者入絡腸胃厥氣上逆則霍亂寒實則腸中切痛虛
則鼓脹取之所別也

足太陰之筋起於大指之端內側上結於內踝其直者
上結於膝內輔骨上循陰股結於髀聚於陰器上腹結

於臍循腹裏結於脇散於胃中其內者著於脊其病足大指支內踝痛轉筋痛膝內輔骨痛陰股引髀而痛陰器鈕痛上引臍兩脇痛引膺中脊內痛治在燔鍼却刺以知為數以痛為輸名曰孟秋痺也

邪客於足太陰之絡令人腰痛引少腹控脇不可以仰息腰尻之解兩胛之上是腰腧以月死生為痛數發鍼立已左刺右右刺左

脾病者身重善飢內痿足不收行善瘕脚下痛虛則腹

滿腸鳴飧泄食不化取其經太陰陽明少陰血者脾熱
病者先頭重頰痛煩心顏青欲嘔身熱熱爭則腰痛不
可俛仰腹滿兩頤痛甲乙甚戊己大汗氣逆則甲乙死
刺足太陰陽明脾之大絡脉別名曰大包出淵腋下三
寸而胃脇實則一身盡寒虛則百節皆縱此絡若羅絡
之脉者皆取之

足太陰脾經從足走胷中長六尺五寸左右一丈三尺
凡四十二穴

隱白二穴

大都二穴

太白二穴

公孫二穴

商邱二穴

三陰交二穴

漏谷二穴

地機二穴

陰陵泉二穴

血海二穴

箕門二穴

府舍二穴

腹結二穴

大橫二穴

腹衰二穴

食竇二穴

天谿二穴


胃鄉二穴

周榮二穴


大包二穴

衝門二穴

手 少 陰



心之經



手少陰心經

手少陰之脉起於心中出屬心系下膈絡小腸

小腸心之雄故

下膈絡小腸也

其支者從心系上頰喉咽目系其直者復從心

系却上肺出腋下又下循臑內後廉行太陰心主之後

太陰心主行臑之前而女陰出其後也

下肘內廉

肘內橫文少海所居

循臂內後廉

抵掌後

靈道在掌後同身寸之一寸五分

銳骨之端

神門穴分也

入掌內

廉

少府所居

循小指之內出其端

少衛居此少指內則手少陰自此交入手太陰也

是動則病

手少陰掌少血多氣今氣先氣為是動也

嗌乾心痛渴而欲飲是

謂臂厥是主心所生病者

血受病於氣是氣之所生故云所生病也

目黃脇

廉痛厥掌中熱盛者寸口大再倍於人迎虛者寸口反

小於人迎也

心者君主大再其實堅固不受諸邪邪客之則死矣其有病乃在心之包絡也故病

者治包絡之經無絕其經君焉故靈樞經曰少陰無腧外經受邪者正謂此也

手少陰之別名

曰通里去腕一寸別而上行循經入于心中繫舌本屬

目系其實則支膈虛則不能言取之掌後一寸別走太

陽也手少陰之筋起於小指之內側結於銳骨上結肘

內廉上入腋交太陰挾乳裏結於胃中循臂下繫於臍

其病內急心承伏梁下為肘網其病當所過者支轉筋
筋痛治在燔鍼却刺以知為數以痛為輸其成伏梁唾
血膿者死不治經筋之病寒則反折筋急熱則筋弛縱
不收陰痿不用陽急則反折陰急則俛不伸焮刺者刺
寒急也熱則筋縱不收無用燔鍼

心病者胃中痛脇支滿脇下痛膺背肩脾間痛兩臂內
痛虛則胃腹右脇下與腰相引而痛取其經少陰太陽
舌下血者其變病刺郄中出血心熱病者先不樂數日

乃熱熱爭則卒心痛煩悶善嘔頭痛面赤無汗壬癸甚
丙丁大汗氣逆則壬癸死刺手少陰太陽手少陰心經
從腹走手長三尺五寸左右共七尺凡二十八穴

極泉二穴

青靈二穴

少海二穴

靈道二穴

通里二穴

陰郄二穴

神門二穴

少府二穴


少衝二穴

手 太 陽



少澤

小腸經



手太陽小腸經

手太陽之脉起於小指之端

小指之端小澤所居

循手外側手

側本節之前谷穴也本節之後後穴也

上腕

腕腕前腕骨腕中陽骨

出踝中直上循

臂骨下廉

出肘內側兩骨之間兩骨間小海穴在馬上下循臑外後廉出肘內側向腋

出肩

解繞肩脾交肩入缺盆絡心

心為小腸之雄故小腸脉絡於心胃也

循咽下膈抵胃屬小腸

手太陽為小腸之經故其脉屬小腸

其支者別

從缺盆循頸上頰至目銳眦

針經曰月背外缺於面者為銳眦

却入

耳中其支者別頰上頰抵鼻至目內眦

手太陽自此交入足太陽

是動則病

手太陽常多血少氣今氣先病是謂動則病也

噤痛頷腫

頷謂頰下也

不可回顧肩似拔臑似折是主液所生病者

血受於氣是氣

之所生病也手太陽常多氣少乃人之常數亦有異於常者多樞經曰手太陽之上血氣盛則多湏面多肉以手血氣皆少則面瘦惡色手太陽之下血氣血盛則掌中肉盈滿血氣皆少則掌瘦以寒由此則上太陽血氣多少可得而知也

耳聾目黃頰頷腫頸肩臑肘臂外臂

後廉痛盛者人迎再倍於寸口虛者人迎反小於寸

口也

手太陽之別名曰支正上腕五寸內主少陰其別者上

走肘絡肩髃實則節弛肘廢虛則生疣小者如指痂疥取之所別也

手太陽之筋起於小指之上結於腕上循臂內廉結於肘內銳骨之後彈之應小指之上入結於腋下其支者後走腋後廉上繞肩胛循頸出走太陽之前結於耳後完骨其支者入耳中直者出耳上下結頷上屬目外眥其病小指支肘內銳骨後廉痛循臂陰入腋下腋下痛腋後廉繞肩胛引頸而痛應耳中鳴痛引頷目瞑良久乃得視頸筋

急則為筋癭頸腫寒熱在頸者治在燔鍼以痛為輸其為
腫者後而銳之本支者上曲牙循耳前屬目外眦上頷結
於角其病當所過者支轉筋治在燔鍼劫刺以知為數
以痛為輸名曰仲夏痺也小腸病者少腹痛腰脊控攣
而痛時窵之後而前熱苦寒甚獨肩上熱及小指次指
之間熱若脉陷者此其候也邪在小腸者連繫屬於
脊貫肝肺絡心系氣盛則厥逆上衝腸胃動肝肺散於
盲結於臍故取之盲原以散之刺太陰以與之取厥陰

以下之取巨虛上下廉以去之控其所過經以調之
手太陽之經從手走頭長五尺左右共一丈凡三十八
穴

少澤二穴

前谷二穴

後谿二穴

腕骨二穴

陽谷二穴

養老二穴

支正二穴

小海二穴

臑腧二穴

天宗二穴

秉風二穴

曲垣二穴

肩外二穴

肩中腧二穴

天憲二穴


天容二穴

顴髎二穴


听宮二穴

肩貞二穴

足太陽



經 肱 膀



足太陽膀胱經

足太陽之脉起於目内眦

内眦謂月之大角也

上額交巔上

巔頂也中

史有施毛可豆乃三陽五會也

其支者從巔至耳上角其直者從巔入

絡腦

頂為中頂前曰顙頂後曰顙頂左右曰角

還出別下項循肩髃內挾脊

抵腰中入循膂絡腎

腎為膀胱之雌故膀胱脉屬膀胱

其支者從臍內

左右別下貫臍

臍中兩髀骨下腎堅起肉也

挾脊內過髀樞

環跳穴有此髀

樞中絡問曰髀樞中絡正者正為此言也

循髀外後廉下合腓中以下貫腓

內出外踝之後

外踝之後崑崙所居焉

循京骨

京骨穴名也太陽之原在外則大骨

下至小指外側

小指外至則陰穴分也素問云太陽根於至陰足太陽自此交足少陰也是

動則病

足太陽常多血少氣今氣先病是謂是動也

衝頭痛目似脫項似拔

脊痛腰似折髀不可以曲腦如結喘如裂是謂踝厥是

主筋所生病者

血受病於氣是氣之所生病足太陽血多氣少則惡血靈氣少則滿腫少理血

少氣多則血多內血氣和則美色足太陽之下血氣盛則跟肉滿衝踵以上氣少血多則瘦跟空血氣皆出則喜轉筋踵下痛只日美眉者太陽血多由此足太陽血氣多少可得而知也

痔瘡狂巔疾

素問

云所謂狂巔疾者陽盡在上而陰氣欲下

腦頂痛目黃深入顴衄頂背腰尻

腦喘脚皆痛小指不用

足太陽行身之腧故頭腦項皆腰尻腦喘脚皆痛小指不用也

盛者人迎大再倍於寸口虛者人迎反小於寸口也

足太陽之別名曰飛陽去踝七寸別走少陰實則顛室
頭背痛虛則顛衄取之所別也

足太陽之筋起於足小指上結於踝斜上結於膝其下
循足外側結於踵循跟結於膕其別者結於膕外上膕
中內廉與膕中并上結於臂上挾脊上項其支者別入
結於舌本其直者結於枕骨上頭下顏結於鼻其支者
為目上綱下結於頤其支者從腋後外廉結於肩髃其

支者入腋下上出缺盆上結於完骨其支者出缺盆斜上出於頰其病小指及跟腫痛癰攣脊反折項筋急肩不舉腋支缺盆中紐痛不可左右搖治在燔鍼劫刺以知為數以痛為輸名曰仲春痺也

邪客於足太陽之絡令人頭項肩痛刺足小指爪甲

至陰

穴也與肉交者各一痛立已不已刺外踝下三痛左取右

右取左如食頃邪客於足太陽之絡令人拘攣背急別脇而痛刺之從項如數脊傾俠脊疾按之應手如痛刺

之傍三痛立已

足太陽膀胱經從頭走足長八尺共一丈六尺凡一百二十六穴

睛明二穴

攢竹二穴

曲差二穴

五處二穴

承光二穴

通天二穴

絡却二穴

玉枕二穴

肺腧二穴

大杼二穴

風門二穴

膈腧二穴

厥陰腧二穴

心腧二穴

脾腧二穴

肝腧二穴

膽腧二穴

腎腧二穴

胃腧二穴

三焦腧二穴

膀胱腧二穴

大腸腧二穴

小腸腧二穴

上髎二穴

中膂內腧

二穴

白環腧二穴

下髎二穴

次髎二穴

中髎二穴

魄戶二穴

會陽二穴

附分二穴

諶諶二穴

膏肓二穴

神堂二穴

陽綱二穴

膈關二穴

魂門二穴

天柱二穴

揆前通天穴是

意舍二穴

胃倉二穴

育門二穴

至室二穴

胞育二穴

秩邊二穴

承扶二穴

殷門二穴

浮郄二穴

委陽二穴

委中二穴

合陽二穴

承筋二穴

承山二穴

僕參二穴

付陽二穴

崑崙二穴

飛陽二穴

申脉二穴

金門二穴

京骨二穴

束骨二穴


通谷二穴

至陰二穴

足少陰



腎之經



足少陰腎經

足少陰之脉起於小指之下斜趣足心

足心通泉穴分也素問曰少陰

之根起於涌泉穴也

出然谷之下

然谷所居素問也云刺足下包絡中脉血不出為腫

循內

踝之後

伏溪穴分也

別入跟中

伏腫在此跟中足少陰之絡別入太陽之絡

以上

踰內

復溜在內跟上同身中二寸踰分中

出腠內廉

陰骨居此腠內廉

上股內後

廉貫脊屬腎

足少陰腎之經故其脉属于腎

其直者從腎上貫肝膈入

脈中循喉挾舌本其支者從脉出絡心注胃中

足少

陰自此交入手心中

是動則病

足少陰常少血多氣今氣先病是謂是動也

飢不欲食

面黑如炭色

一作如地色素問曰所謂面黑如地者和氣內奪故變於色也

效唾則有

血

素問所謂效則有血者陽脉傷也陽氣未盛於上而脉則滿滿則欬故血見於鼻也

喝喝而喘

以其脉入肺中循喉龍故爾

坐而起目眴眴無所見

素問所謂不能久立久坐則目

眴眴無所見者萬物陰陽不定未有主也秋氣姑至微霜姑下而方殺陰陽內奪目眴眴無所見也

心懸

若飢狀氣不足則善恐心惕惕若人將捕之

素問所謂善恐如人

將捕之者秋氣萬物未有畢去陰氣少陽氣入之陰陽相薄故有恐也

是謂骨厥是主腎

腎主骨骨厥則腎氣逆也

所生病者

受血病於氣是氣之所生也故云所生病也

口熱舌

乾咽腫上氣嗑乾及痛煩心痛黃疸腸澼腎股內後

廉痛痿厥嗜卧

人胃暑熱之毒舍於腎腎乃小臟也小不勝大則骨與髓虛故足不載身而痿

厥生焉痿則故力故其卧也

足心常熱而痛漸至足下重如不能

舉步盛者寸口大再造於人迎虛者寸口反小於人迎也

足少陰之別名曰大鍾當踝後繞跟別走太陽其別者並經上走於心包下外貫腰脊其病氣逆則煩悶實則閉癰虛則腰痛取之所別也

足少陰之筋起於小指之下並太陰之筋斜走內踝之

下結於踵與太陽之筋合而上結於內輔之下並太陰之筋而上循陰股結於陰器循脊內俠脊上至項結於枕骨與足太陽之筋合其病足下轉筋及所過而結者皆痛及轉筋病在此者主癰瘰及瘰在外者不能俛在內者不能仰故陽病者腰反折不能俛陰病者不能仰治在燭鍼劫刺以知為數以痛為輸在內者熨引飲藥此筋折紐紐發數甚者死不治名曰仲秋痺也

邪客於足少陰之絡令人卒心痛暴脹胃脇支滿無積

者刺足下中央之脉各三痛凡六刺立已左刺右右刺
左嗑中腫不能內唾時不能出唾者刺然谷之前出血
立已左右互刺

腎病者腹大脰腫喘欬身重寢汗出憎風虛則胃中痛
大腹小腹痛清厥意不樂取其經少陽血者腎熱病者
先腰痛脰痠苦渴數飲身熱熱爭則項痛而強脰寒且
痠足下熱不欲言其逆則項痛消消澹澹然戊巳甚壬
癸大汗氣逆則戊巳死刺足少陰太陽腎熱病者頤先

赤故熱病先身腫骨痛耳聾好瞑刺足少陰病甚為五十九刺足少陰腎經從足走胛中長六尺五寸左右共一丈三尺凡五十四穴

涌泉二穴

然谷二穴

大谿二穴

大鍾二穴

照海二穴

水泉二穴

復溜二穴

交信二穴

築賓二穴

陰谷二穴

橫骨二穴

大赫二穴

氣穴二穴

四滿二穴

中注二穴

育脬二穴

商曲二穴

石關二穴

陰都二穴

通谷二穴

幽門二穴

步廊二穴

神封二穴

靈虛二穴

神藏二穴

或中二穴

膻府二穴

手厥陰



心包經



手厥陰心包經

手厥陰心主之脉起於胸中出屬心包下膈歷絡三焦

心為三焦包之雄故心包脉歷絡三焦之經

其支者循胸出脇下腋三寸上

抵腋下下循臍內行太陰少陰之間

太陰行臍之前少陰行臍之後而心

主行其

入肘中

曲澤穴分也

下臂行兩筋之間

兩筋間使所居

入掌

中

勞宮所

循中指出其端

中衝在此中指之端

其支別者掌中循

小指次指出其端

手心主自此

是動則病

手厥陰常多血少氣今氣

先病是謂是動也

手心熱肘臂攣急

肘臂攣急蓋因胃屈而不申也

腋腫甚則

胃脇支滿心中澹澹

席延經云澹澹水搖也

大動面赤目黃善笑

不休是主脉所生病者

血受病於氣是氣之所生故云所生病也

煩心心痛

掌中熱盛者寸口大一倍於人迎虛者寸口反小於人

迎也

手心主之別名曰內腕去關二寸出於兩筋之間循經

以上繫於心包絡心系實則心痛虛則為煩取之兩筋

間也

手心主之筋起於中指與太陰之筋並行結於肘內廉

上臂陰結腋下下散前後挾脇其支者入腋散胃中結於責其病當所過者支轉筋前及胃痛息責治在燔鍼劫刺以知爲數以痛爲輸名曰孟冬痺也

手厥陰心包脈從腹走手長三尺五寸左右共七尺凡一十八穴

天池二穴

天泉二穴

曲澤二穴

郄門二穴

間使二穴


中衝二穴

內關二穴

太陵二穴

勞宮二穴

手少陽



三焦經



手少陽三焦經

手少陽脈起於小指次指之端

次指端關衝指位也

上出兩指之間

本節前也門後中渚穴也

循手表腕

陽池穴分也

出臂外兩骨之間

兩骨之間

溝所

上貫肘

肘後天井穴也

循臑外上肩而交出足少陽之後

足少陽在手少陽之後上肩而手少陽復在其後

入缺盆交膻中

難經云膻中在玉堂下同

身寸之一寸六分直兩臑內肩是也

散絡心包

心包爲三焦之雄故云焦脈絡心包也

下膈

徧屬三焦

手少陽三焦之經故其脈屬徧三焦

其支者從膻中上出缺盆

上項挾耳後直上出耳上角以屈下頰至頤其支者從

耳後入耳中出走耳前過客主人前交頰至目銳眥

手少

陽自此交入足少陽

是動則病

手少陽常少血多氣今氣生是謂是動也

耳聾渾渾

痺瘰腫喉痺是主氣所生病者

血受病於氣是氣之所生故云所生病也手少

陽血少氣多乃人之常數也亦有異於常者靈樞經曰手少陽之上血氣盛則肩美次耳色美血氣皆少則耳焦惡色手少陽之下血氣盛則手捲多肉以溫血氣少則寒以瘦氣少血多則瘦以多脉由此則手少陽血氣多少可得而知也

汗出目銳眥痛耳後肩臑肘臂外皆痛小指

次指不用盛者人迎大一倍於寸口虛者人迎反小於

寸口也

手少陽之別名曰外關去腕二寸外繞臂主胃中合心
主病實肘攣虛則不收取之所別也

手少陽之脉起於小指次指之端結於腕上循臂結於
肘上繞臑外廉上肩走頸合手太陽其支者當曲頰入
繫舌本其支者上曲牙循耳前屬目外眦上乘頷結於
角其病當所過者即支轉筋舌卷治在燭鍼劫刺以知
以痛爲輸名曰季夏痺也

邪客於手少陽之絡令人喉痺舌卷口乾心煩臂外廉

痛手及頭痛刺手中指次指爪甲上去如韭葉各一瘡
壯者立已老者有頃已左取右右取左比新病數日已
手少陽三焦經從手走頭長五尺左右共一大凡四十
六穴

關衝二穴

液門二穴

中渚二穴

陽池二穴

外關二穴

支溝二穴

會宗二穴

三陽絡二穴

四瀆二穴

系竹空二穴

天井二穴

清冷淵二穴

消灤二穴

和髎二穴

臑會二穴

肩髃二穴

天髎二穴

耳門二穴

天牖二穴

瘰癧二穴

翳風二穴


角孫二穴

顙息二穴

足少陽



膽之經



足少陽膽經

足少陽之脉起於目銳背上抵頭角下耳後循頭行手

少陽之脉前至肩上却交手陽之後

足少陽循頸行手少陽之前至肩上

少陽復在足少陽之前

入缺盆其支者從耳後入耳中出走耳前

至目銳眥下大迎合手少陽於頰下加頰車下頸合缺

盆以下胷中貫膈絡肝

肝為膽之雄故膽脉絡於肝

屬膽

足少陽為膽之注故

其脉屬於膽

循脅裏出氣衝

氣衝在腹臍下橫骨兩端鼠蹊上同身寸之一寸動脉中

繞

毛際橫入髀厭中

髀厭中環跳穴血分也

其直者從缺盆下腋循

胷中過季脇

脇骨曰肋肋盡處曰季脇

下合髀厭中

以下循髀陽

髀

解外也

出膝外廉

陽陵泉分也

下外輔骨之前

輔骨謂肱在髀骨之骨在髀之

外

直下抵絕骨之端

陽甫居此絕骨之端

下出外踝之前

丘墟穴分也

循足跗上出小指次指之間

次指之端竅陽所之素問云少陽之拱起於竅陰

其支者別跗上入大指循岐骨內出其端貫爪甲出三毛

足少陽自此文入足厥陰

是動則病

足少陽常少血多氣今氣先病謂之是動

口苦

素問云口

苦者病名膽痺也此人數謀慮不決故膽虛氣上溢而口爲之苦治之以膽募俞

善太息

靈樞經曰

人憂思則心系急心系急作氣道約約則不利故太息以叩出之

心脇痛

素謂所胃心脇痛者言少

陽盛也盛者心之所表也九月陽氣盛而陰氣盛故云心脇痛也

不能轉側

素問所謂

九月陰氣藏物物藏則不動以故不可反則也

甚則面微塵

塵胃面如微有獨骨塵土之色也

體無膏澤足外反熱是爲陽厥足骨所生病者

血受病於氣是

氣之所生故云所生病者足少陽血少氣多乃人之常數也亦有異共常者靈樞經曰足少陽之上血氣盛則通涌美長血多氣少則通髯美短血少氣多則髯血氣背少則無湏盛於寒溫則善痺骨疼爪枯也足少陽之下血氣盛則脛毛少外踝肥血多氣少則脛毛美短外踝皮豎血厚血少氣多則脛毛少外踝皮薄而軟血氣皆少則無毛外踝瘦血肉又云通涌極鬚者少

頭痛角

頷痛

角頷耳下曲角之頷也以其脉下之頷車故病如是

目銳眦痛缺盆中腫痛

腋腫馬刀挾癭

馬刀瘦者靈樞經曰其癰堅而不潰者爲馬挾癭

汗出振寒

以寒邪客以經虛則邪盛故爲振寒

癰瘡瘡寒熱之病也指中

脇胸肋髀膝

外支脛絕骨外踝前及諸節背痛小指次指不用盛者人迎大一倍於寸口虛者人迎反小於寸口也

足少陽之別名曰光明去踝五寸別走厥陰下絡足跗實則厥虛則痿躄不能起取之所別也

足少陽之筋起於小指次指上結外踝上循鼈外廉結於膝外廉其支者別起外輔骨上走髀前者結伏兔

之上後者結於尻其直者上乘眇季脇上走腋前廉繫
於膺乳結於缺盆其直者上出腋貫缺盆出太陽之前
循耳後上額角交巔上下走額上結於頰其支者結於
目眇為外維其病小指次指支轉筋引膝不可屈伸膈
筋急前引髀後引尻上即乘眇季脇痛上引缺盆膺乳頸
維筋急從左之右右目不開過右角並蹻脉而行左絡
於右故傷左角右足不用命曰維筋相交治在燔鍼劫
刺以知為數以痛為輸名曰春痺也

邪客於足少陽之絡令人脇痛不得息欬而汗出刺足小指次指爪甲上與肉交者各一痛不得息立已止欬者溫衣飲食一日已在左刺右在右刺左病立已不已復刺如法

邪客於足少陽之絡令人留於樞中痛髀不可舉刺樞中以毫鍼寒則久留鍼以月死生爲大數立已

熱痛先胃脇痛手足躁刺足少陽補足太陽病其支者爲五十九刺熱病先眩冒而熱胃脇滿刺足少陰少陽

足少陽膽脈從頭走足長八尺左右共一丈六尺凡八十六穴

瞳子髎二穴 聽會二穴 客主人二穴

頷厭二穴 懸顱二穴 懸釐二穴

曲髻二穴 率谷二穴 天衝二穴

浮白二穴 竅陰二穴 完骨二穴

本神二穴 陽白二穴 臨泣二穴

目窻二穴 正營二穴 承靈二穴

腦空二穴

風池二穴

肩井二穴

淵腋二穴

輒筋二穴

日月二穴

京門二穴

帶脉二穴

五樞二穴

維道二穴

居膠二穴

環跳二穴

中瀆二穴

陽關二穴

陽陵泉二穴

陽輔二穴

懸鍾二穴

邱墟二穴

陽交二穴

外邱二穴

光明二穴

地五會二穴


俠谿二穴

竅陰二穴

足厥陰



肝之經



足厥陰肝經

足厥陰之脉起於大指之際

聚毛大敦穴分也素問曰厥陰之根起於大敦

上

循足跗上廉

大衝穴在焉

去內踝一寸

中分之位也

上踝八寸交

出太陰之後

足厥陰行足太陰之前上踝八寸而厥陰復出太陰之後也

上膕內廉

曲泉穴分也

循股陰入毛中環陰器抵少腹挾胃屬肝

足厥陰爲

肝之經故其脉屬於肝也

上貫膈布脇肋循喉嚨之後入頑顙

靈樞經曰

頑顙者分氣之泄也

連目系上出額與督脉會於巔其支者從目

系下頰裏環唇內其支者復從肝別貫膈上注肺中

足厥

陰自此行是動則病足厥陰常多血少氣今腰痛不可

俯仰

素問所謂腰脊痛不可以俯仰者三

丈夫癰疽婦

人少腹痛

素問癰疽婦人少腹腫者厥陰者辰也三

甚

則噤乾

素問所謂甚則噤於熱中者

面塵脫色

面如有塵而去

其色脫去也

是主肝所生病者

血受病於氣是氣之所生故云所生病

胃滿嘔

逆洞泄

凡中其經內於肝肝氣塵脾故為洞泄矣

狐疝

狐夜不得屎日出方得人之所病與狐同

候故曰

遺溺閉癰

遺溺不禁閉癰為不行也

盛者寸口大一倍於人

迎虛者寸口反小於人迎也

足厥陰之別名曰蠱濟去內踝五寸別走少陽其別者循脛上畢結於莖其病氣逆則畢腫卒疝實則挺長熱虛則暴痒取之所別也

足厥陰之筋起於大指之上上結於內踝之前上循脛上結內輔之下上循陰股結於陰器絡諸筋其病足大指支內踝之前痛內輔痛陰股痛轉筋陰器不用傷於於內則不起傷於寒則陰縮入傷於熱則縱挺不收治在行水清陰其病轉筋者治在燔鍼劫刺以知爲數以

痛為輸名曰季秋痺也

邪客足厥陰之絡令人暴疝卒痛刺足大指爪甲上與
肉交者各一痛男子立已女子有頃已左取右右取左
肝病者兩脇下痛引少腹令人善怒虛則目眈眈無所
見耳無所聞善恐如人將捕之取其經厥陽於少陽氣
逆則頭痛耳聾不聰頰腫取血者肝熱病者小便先黃
腹痛多臥身熱熱爭則狂言及驚脇滿痛手足躁不得
安臥庚子甚甲乙大汗氣逆則庚辛死刺足厥陰

足厥陰肝經從足走胷中長六尺五寸左右共一丈三尺九二十六穴

大敦二穴

行間二穴

中封二穴

蠡澹二穴

中都二穴

膝關二穴

曲泉二穴

陰包二穴


五里二穴

陰廉二穴

章門二穴

期門二穴

太冲一穴



普濟方卷四百十二